

SAMÞYKKT

fyrir fiskræktar- og veiðifélag Litlárvatna.

1. gr.

Félagið heitir Fiskræktar- og veiðifélag Litlárvatna. Heimili þess og varnarþing er Austurgarðar í Keldunesshreppi.

2. gr.

Markmið félagsins er að auka silungsveiði og koma til laxveiði á félagssvæðinu og arð af henni með því:

- að stunda lax- og silungsklak ásamt friðun eða kaupa seiði þessara fisktegunda,
- að reka laxveiði og silungsveiði fyrir alla félagsmenn sameiginlega á einum eða fleiri stöðum eftir því, sem henta þykir.

3. gr.

Félagið hefur umráð yfir öllum rétti til lax- og silungsveiði í þessum vötnum: Brunnnum, Brunnakvísl og lækjum, er í hana falla, Litlá frá mótum Litlár og Brunnakvísar að Arnaneslóni og lækjum og kvíslum sem í Litlá falla og Arnaneslóni. Félagsmenn eru allir eigendur eða ábúendur þeirra jarða, sem land eiga að nefndum vötnum. Jarðirnar eru: Eyvindarstaðir I og II, Lindarbrekka, Kelduneskot, Keldunes, Framnes, Krossdalur, Austurgarður, Laufás, Garður I, II og III, Nýibær, Arnanes.

4. gr.

Óheimilt er öllum að veiða lax eða silung í vötnum þessum nema með sérstöku og skriflegu leyfi félagsstjórnar, samanber þó 7. gr. Skal þar tekið fram um veiðitíma og veiðitæki og með hvaða kjörum leyfið er veitt.

5. gr.

Heimilt er félagsstjórn að leigja vötn á félagssvæðinu eða hluta af þeim einstökum mönnum eða félögum til stangaveiði ef sýnilegt þykir að það sé hagur fyrir félagið. Þó má það leyfi eigi vera til lengri tíma en eins árs í senn nema lög-mætur fundur samþykki og tekið hafi verið fram í fundarboðið, að slíkt leyfi yrði til umræðu.

6. gr.

Nú tekur félagið upp sameiginlega veiði. Getur það þá ráðið mann til að standa fyrir henni. Hann nefnist veiðistjóri.

Veiðistjóri annast um framkvæmd félagsveiðinnar. Ræður hann menn sér til aðstoðar eftir þörfum. Hann sér um verkun og sölu á veiðinni og færir alla reikninga þar að lútandi, allt í samráði við félagsstjórn.

7. gr.

Félagið starfrækir lax- og silungsklak eða kaupir seiði þessara fisktegunda. Kostnaði við það skal jafna á félagsmenn eftir þeim hlutföllum, sem arðskrá félagsins tiltekur. Öll vötn fiskihverfisins samkvæmt 3. gr. skulu vera alfriðuð næstu 4 ár eftir staðfestingu samþykktu þessara fyrir allri veiði annarri en um getur í 20. gr. l. nr. 112 frá 9. okt. 1941.

8. gr.

Stjórn félagsins skipa 3 menn, formaður og tveir meðstjórnendur, skulu þeir kosnir á aðalfundi til þriggja ára í senn. Ganga þeir úr stjórninni til skiptis þannig: Formaður gengur úr eftir eitt ár. Annar meðstjórnandi eftir 2 ár samkvæmt hlut-

kesti. Síðan helzt sama röð. Enginn atkvæðisbær félagsmaður getur skorazt undan kosningu nema lögmæt forföll hamli eða hann hafi verið 3 ár í félagsstjórn.

33
22. febr.

9. gr.

Stjórnin hefur með höndum umsjón með öllum framkvæmdum félagsins á milli aðalfunda. Hún ræður fasta starfsmenn og gerir við þá samninga um kaup og önnur kjör, enda samþykki lögmætur aðalfundur þá samninga. Hún hefur eftirlit með því að samþykkt félagsins sé hlýtt, og má ráða menn sér til aðstoðar.

Formaður er fulltrúi félagsins út á við og hefur yfirumsjón með störfum félagsins og fjárreiðum þess öllum. Afl atkvæða ræður úrslitum mála á félagsfundum, sbr. þó 16. og 17. gr.

10. gr.

Aðalfundur heldur félagið í janúarmánuði ár hvert. Aðalfundur er lögmætur ef hann er boðaður skriflega með minnst þriggja daga fyrirvara og sé fundarefnis getið í fundarboði. Nú er aðalfundur ekki lögmætur og skal þá boða til hans á ný með minnst þriggja daga fyrirvara og er þá fundur ávallt lögmætur.

Á aðalfundi skýrir stjórnin frá störfum félagsins á liðnu starfsári. Þar leggur hún fram endurskoðaða reikninga félagsins og úrskurðar fundurinn þá. Aðalfundur kys stjórn, samanber 8. gr., og tvo endurskoðendur til eins árs í senn. Hann kveður á um laun stjórnar og annarra starfsmanna félagsins.

11. gr.

Aukafundur heldur stjórnin þegar henni þykir ástæða til, eða ef $\frac{1}{4}$ félagsmanna æskir þess og tilgreinir fundarefni.

12. gr.

Reikningsár félagsins er almanaksárið. Skulu reikningar fullgerðir fyrir aðalfund og lagðir þar fram endurskoðaðir til úrskurðar.

13. gr.

Arði af sameiginlegri veiði, svo og öllum gjöldum, er af starfsemi þess leiða, skal skipt niður á félagsmenn samkvæmt arðskrá sem lögmætur fundur samþykkir og undirrituð er af $\frac{2}{3}$ félagsmanna. Gildir arðskrá til 5 ára í senn. Náist ekki samkomulag um nýja arðskrá, þegar arðskrá er úr gildi, framlengist gildi hennar þar til ný arðskrá gengur í gildi.

14. gr.

Eigi má úthluta arði samkvæmt 13. gr. fyrr en eftir aðalfund. Verði útgjöld meiri en tekjur skal jafna þeim á félagsmenn eftir þeim hlutföllum, er arðskrá ákveður.

15. gr.

Brot á samþykkt þessari varða sektum allt að 500 kr. og veiði eða andvirði hennar gerð upptæk og renni hvort tveggja í félagssjóð.

16. gr.

Samþykkt þessari verður eigi breytt nema $\frac{2}{3}$ mættra félagsmanna á aðalfundi samþykki breytinguna.

17. gr.

Félaginu má slita ef $\frac{2}{3}$ félagsmanna samþykkja það á löglega boðuðum aðalfundi. Skuldum og eignum félagsins á þeim tíma skal jafna milli félagsmanna eftir gildandi arðskrá.

33 Samþykkt þessi staðfestist hér með samkvæmt lögum nr. 112 9. okt. 1941 til að 22. febr. öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 22. febrúar 1944.

Vilhjálmur Þór.

Gunnl. E. Briem.

34
22. febr.

ARÐSKRÁ OG GJALDSKRÁ

fyrir fiskræktar- og veiðifélag Litlárvatna.

Arður og gjöld skiptast milli allra þeirra jarða, er hér eru taldar, og eftir þeim hundraðshlutföllum er hér greinir:

	Hundraðshluti af arði eða gjöldum
Eyvindarstaðir I	4
Eyvindarstaðir II	2
Keldunes	8
Framnes	4
Kelduneskot	3
Lindarbrekka	3
Krossdalur	12
Austurgarðar	10
Laufás	10
Garður I	9
Garður II	9
Garður III	6
Nýibær	10
Arnanes	10

Arðskrá þessi staðfestist hér með samkvæmt lögum nr. 112 9. október 1941 til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 22. febrúar 1944.

Vilhjálmur Þór.

Gunnl. E. Briem.

35
8. marz

SAMÞYKKTIR

fyrir sparisjóð Raufarhafnar og nágrennis, Raufarhöfn.

I. Stofnun, nafn, ábyrgð og stjórn sjóðsins.

1. gr.

Sjóðurinn heitir: Sparisjóður Raufarhafnar og nágrennis, og skal heimili hans og varnarþing vera á Raufarhöfn.

2. gr.

Sjóðurinn er stofnaður með 120 stofnbréfum, upphæð hvers stofnbréfs kr. 25.00 og má auka stofnféð með samþykkt aðalfundar.